



Synfocity = 1002

mail us at : mzsynfo@gmail.com; mizoramsynod@gmail.com - Phone - 2314648

September 11, 2025

❑ Zirlai Viltu Committee buatsaih Briefing leh Orientation hun hman a ni

September 6, 2025 (Inrinni) Chhun dar 12:00 khan Zirlai Viltu Committee (ZVC) chuan Synod Resource Centre Lecture Hall, Synod Conference Centre-ah Category-3 (Undergraduate) member thar te tan Briefing leh Orientation hun an hmang. He hunah hian Zirlai Viltu Committee member te leh member thar mi 5 leh an chungte an tel a ni.

He hun hi Rev. Dr. K. Lalrinkima'n a kaihruai a. Pu. K. Lallianzuala, Secretary ZVC-in report leh inhmelhriattirna hun a hmang a. Pu K. Lallianzuala chuan, Zirlai Viltu Committee chu Kum 2018 Synod thurel "Central Service-a Mizote kan tlin tam theih nan hmalak tha kan ti." ti a, a rel bawhuina kal zel a nih thu a sawi a. Tunah hian Category hrang hrangah mi 50-in Zirlai Viltu Committee enkawl Synod Resource Centre an hman mek thu a sawi baw.

He hunah hian Pu. Lallungmuana, Rev. Dr. F.H. Liansangzuala leh Pu Benjamin-a, IDAS (Rtd) ten member thar te fuihna thu tlangkai leh pawimawh tak tak an sawi a. Member thar te chu an tum ang ngei leh, Kohhran leh Mizoram mipuite duh anga, UPSC Exam-a hlawhtling ngei turin duhsakna leh fuihna thu an hrilh a ni. Zawhna leh chhanna hun hman a ni baw.

❑ Teachers' One Day Training programme neih a ni

September 11, 2025 (Ningani) hian Presbyterian English School buatsaihin East Phaileng leh a chhehvela PES hrang hrang - East Phaileng PES, Khanpui PES, Khawruhlian Vengthar PES, Kepran PES leh Sesawng PES te tan Teachers' One Day Training Programme, East Phaileng Kohhran Centenary Hall-ah neih a ni a, he hun hi Upa P.C. Vanlalhruaia, Supervisor of Schools, Upa Lalthanzama, BEC Member, Rev. Malsawmdawngliana, BEC Member leh Nl. Lawmsangzuali, O/A ten an hmanpui.

Programme hi hun thumah then a ni a, hun khatna hi Rev. Lalmakpua, East Phaileng Bialtu Pastor-in a kaihruai a, Resource Person Upa Lalthanzama hnen atangin 'Classroom Management' tih thupui ngaihthlak a ni a, hun hnihnaah 'Zirtirtu mawhphurhna thenkhatte' tih thupui Resource Person Rev. Malsawmdawngliana hnen atangin ngaihthlak a ni a, hun thumna hi Upa P.C Vanlalhruaia, Supervisor of Schools-in a kaihruai a, hemi hunah hian thupui hrang hrang zir ho atangin sawi hona bakah zawhna leh chhanna hun hman a ni.

Tun dinhmunah PES hnuai School 172 an awm a. Zirlai 35,741 an awm a, zirtirtu leh thawktu dang 2,230 an awm mek a ni. East Phaileng leh a chhehvel PES hrang hrangah hian zirlai 674 an awm a, thawktu 50 an awm.

❑ Naupang Sunday School Inkhawmpui

September 14, 2025 (Pathianni) hi Naupang Sunday School Inkhawmpui Ni a ni a, Presbyterian Kohhran hnuai Bial hrang hrangah Naupang Inkhawmpui hi hman a ni ang. Naupang Inkhawmpuia hian Pathian thu, hla leh thu inchoang hmangin inelna neih a ni ang a. Heng bakah hian naupangten item hrang hrang a remchan dan angin an nei baw ang. Naupang Inkhawmpui hi Bial tam zawk chuan intihsiakna atan an hmang a, Bial thenkhat erawh chuan intihsiak lovin an hmang baw.

Naupang Inkhawmpui hi a tirah chuan Missionary-te thahnemngaihna avanga neih tan a ni a. Kum 1931 khan Aizawl Tlangnuam Kohhranah neih a ni a, hei hi Naupang Inkhawmpui hmasa ber ni-a hriat a ni.

Tun hma lam chuan Naupang Inkhawmpui hi Bial hrang hrangin an remchan hunah an nei mai thin a, tun hnai deuh atang khan Bial tinte kan kal rual theih nan MSSU chuan Sunday School Zirlai Syllabus-ah Naupang leh Senior Inkhawmpui hun tur an ruahman tel ve ta a ni. September Pathianni vawi 2-naah Beginner Department - Sacrament Department leh Pathianni vawi 3-naah Senior Department ten inkhawmpui an nei thin a ni.

☐ **Synod Relief Fund**

Tun hnaia harsatna hrang hrang tawkte hnenah Synod Relief Fund ațangin hetiang hian chhawmdawlna pek a ni.

S.No	Khua/Veng	Pek chhan	Chhungkaw zat	Pek zat
1.	Airfield Veng	Damlo leh khawsak harsa	3	₹ 30,000/-
2.	Saikhawthlir	Khawsak harsa	3	₹ 30,000/-
3.	T. Daijang (Manipur)	Damlo	2	₹ 20,000/-
4.	Khawkawn	Damlo	2	₹ 20,000/-
5.	Zemabawk Berawlui	Damlo	1	₹ 10,000/-
6.	Sihphir	Damlo	1	₹ 10,000/-
7.	Sakawrtuichhun	Damlo	1	₹ 10,000/-
8.	Cherhlun	Damlo	1	₹ 10,000/-
9.	Chhingchhip Venglai	Damlo	1	₹ 10,000/-
10.	Ratu	Damlo	1	₹ 10,000/-
			Belh khawm	₹ 1,60,000/-

August thla chhunga harsatna hrang hrang tawkte hnenah Synod Relief Fund ațanga chhawmdawlna sem zat chu ₹ 4,92,000/- a ni.

☐ **FM Zoawi - Aizawl & Lunglei : Hruaina Eng Radio Programme**

September 12, 2025 (Zirtawpni) @ 7:30 p.m. : FAK HLA HUANG

Solo : C. Lalhmingmawii - Chatuan nunna, Lawmthu ka hrilh che, Thusawi : Upa C.L. Thanmawia - Tihder theih Kristian, Solo : C. Lalhmingmawii - Siamtu Pathian

☐ **Hruaina Eng TV Programme**

- 11.9.2025 (Ningani)** 08:30 pm : Thupui zir bing
- 12.9.2025 (Zirtawpni)** 05:00 pm : Kristian Naupang Pual
- 13.9.2025 (Inrinni)** 05:30 pm : Puitling Sunday School Zirlai
- 14.9.2025 (Pathianni)** 07:00 am : Sermon - Upa Zanghinglova
08:00 am : Weekly round up
- 16.9.2025 (Thawhlelni)** 06:00 pm : Nilaini zan thupui
08:30 pm : Kohhran Chanchin - Zarkawt Kohhran

☐ **Moderator leh Executive Secretary-te Programme:**

Rev. R.C. Lalnghakliana : Moderator

- Sept. 10-11, 2025 Barak Area Committee, Silchar
- Sept. 13-14, 2025 Bungkawn High Sikul Veng Kohhran leh Hunthar Veng Kohhran
- Sept. 18-19, 2025 Lunglei - CCM Committee leh Chhim Bial Committee

Rev. V.L. Luaia Hranleh : Senior Executive Secretary

- Sept. 10-11, 2025 Barak Area Committee, Silchar
- Sept. 17-18, 2025 Lunglei - Synod House sak tur lungphum phum, Chhim Bial Committee leh CCM Executive Committee
- Sept. 21, 2025 Mission Veng Bial Senior Depart. Inkhawmpui - Speaker

Rev. Dr. K. Lallawmzuala : Executive Secretary

- Sept. 12, 2025 Hmangaihna In Managing Committee
- Sept. 17-18, 2025 Lunglei - CCM Executive Committee leh John Williams Hospital Committee
- Sept. 19, 2025 Hospital Consultative Committee

Rev. Dr. Rosiamliana Tochhawng : Executive Secretary

- Sept. 4-12, 2025 Field Committee - Siliguri, Nepal, Delhi leh Odisha Field

September 15, 2025-a Synod Officers' Meeting (OM) leh ni 16, 2025-a Synod Service Board-ah Moderator leh Executive Secretary-te an tel ang.